



“Notis larangan penutupan sementara sudah diedarkan pada pihak terbabit. Kita turut meletakkan kain rentang notis amaran larangan memasuki semua taman eko rimba.

“Bagaimanapun, sedikit kelonggaran diberikan kepada pengunjung Mossy Forest di mana penutupan hanya dibuat ketika hujan lebat berlaku saja. Ketika cuaca baik pelancong dibenarkan melakukan aktiviti riadah di situ,” katanya, di sini, hari ini.

Gripping berkata, kejadian tidak diingini seperti fenomena kepala air, pokok tumbang, tanah runtuh yang menyebabkan terputus hubungan, banjir dan lemas boleh terjadi terutama ketika hujan lebat berterusan berlaku.

Katanya, pemantauan di taman eko rimba akan dilakukan berterusan bagi memastikan pelancong tidak melakukan aktiviti riadah pada musim tengkujuh yang sudah bermula.

“Saya berharap mereka yang sebelum ini sering mengunjungi taman eko rimba untuk aktiviti riadah bersama keluarga, tidak berbuat demikian selama tiga bulan bermula November ini.

“Golongan pelajar pusat pengajian tinggi juga diingatkan supaya mematuhi arahan yang dikeluarkan, banyak kes kemalangan di taman eko rimba membabitkan remaja,” katanya.